



Indgået

- 8 MAR. 2017

Inatsisartunut ilaasortaq Michael Rosing
Inatsisartut
/MAANI

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 nr. 2017-105-imut akissut

Inatsisartut suleriaasianni § 37, imm. 1 naapertorlugu Naalakkersuisunut apeqquteqarsimavutit pineqarluni qalerallinniarluni, saarullinniarluni, suluppaagarniarluni il.il. avataasiorluni aalisarnermi naammassisaqarsinnaassutsimik sulii annertunerusumik ivertitsisoqarnissaa. Apeqqutit uannut akineqartussanngortinneqarsimapput.

07-03-2017
Sullap nr. 2017-4821
Akt nr. 4666318

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Suna pissutaava Naalakkersuisut taggimmassuk avataasiorluni aalisarnermut atatillugu angallatit ataatsimik ilaneqarsinnaasut uffa kilisaatit aalisaqataasimasut 2016-mi qaammatit marluk missaani taleqqaannartariaqarnikuusut, tamatumalu nalingaa qaammatini qulini aalisarneq?
2. Naalakkersuisut tagginnerlugu nutaamik angallatiliinikkut inuiaqatigiit aningaasarsiornerat ajunngitsumik ikerferneqarumaartoq taamaassimappallu qanoq?
3. Naalakkersuisut siunertarinerlugu ukiuni aggersuni assigusumik ikillilerisarnissaq?
4. Pisassiissutit sinnerisa agguanneranni 2016-mi aalisarsinnaanermut naleqqiullugu pisassiissutit sinneri angallatit sinnerinut agguanneqanngillat. Suna tamatumunnga tunngaviuva?

Akissut:

1-imut)

Uannut aalajangiisuvoq, nunatsinni pisuussutit pingaarnerpaartaat ingerlatsisunut ikittuinnarnut tutsinneqartannginnissaat. Taamaattumik uanga Naalakkersuisullu anguniagaraarput, ammaassiffigissagipput, aalisarnermi ingerlatsisut nutaat amerlanerusut akuulersinnaanissaat. Tamanna sinerissap qanittuani aamma avataasiorluni aalisarnermi atuuppoq. Unammillernermut peqqinnartuullunilu pitsaassaaq aalisarnermi nutaanik takkuttoqarpat. Pingaartumik avataasiorluni aalisarnermi, tassaniami ullumikkut ingerlatsisut angisuut ikittuinnaapput. Tamannalumiuna siunertarineqartoq pisassiissutinit 10%-imik immikkoortitsinermut. Naalakkersuisuni isumaqarpugut, avataasiorluni aalisarnermi pisassiissutit naammattut, ingerlatsisunuk nutaanik maannakkut akuulertoqarsinnaaneranut. Taamaattumik siunertamut tamatumunnga avataasiorluni qalerallinnut, saarullinnut suluppaakkanullu pisassiissutinit 10%-imik immikkoortitsisoqarnissaa toqqarsimavarput. Pisariaqartitsisoqarpoq, aalisarnermi suliffinnik amerlanerusunuk pilersitsisoqarnissaa. Ullumikkut ingerlatsisut ima pimoorussitigilersimapput, ukiumut iluitsumut pisassiissutit qaammatini qulini aalisarsinnaallugit piffissallu sinnerani uninngaannarsinnaallutik tamanna nuannaarutigissavarput. Takutiinnarneqarpoq, aalisartoqartugut taama pimoorussitigisunuk pikkorissunillu. Tamakkuninngalu amerlanerusunuk

peqartariaqarpugut. Taamaattumik uanga pisussaaffigaara aalisarnermi akuusunut nutaanut ammaassinissaq qulakkeerussinissarlu.

2-mut)

Avataasiortuni aalisarnermi ingerlatsisunut nutaanut ammaassinitsigut suliffissat amerlanerusut pilersisinnaavagut. Pingaaruteqarpoq, uagut namminerisamik najugaqavissutut aalisartortatta pingaartinneqarnissaat, taakkumi siviluallaamik suusupagineqarnikuusimapput. Suliffissanik amerlanerusunik pilersitsinikkut suliffissaaleqineq qanoq iliuseqarfigissavarput, taannami sinerissami ilaqtariippassuarnut inunnullu ataasiakkaanut suliffissaaleqinermik eqqorneqarsimasunut angisuunik kingunipiloqartarsimammat. Maluginiaqquneqassaarli, ingerlataqartunut amerlanernut taamalu angallatinut amerlanerusunut avataasiortunut pisassiissutit agguaannerisigut inuiaqatigiinnut aningaasaqarnikkut annaasaqartiitsisoqassammat, ilimagineqarmammi angallatit avataasiortooreersut avataasiortunut pisassiissutit tamaasa iluaqutigisinnaagaluarimatigit. Pisassiissutit iluaqutigineqarnissaannut aningaasartuutit taamaalillutik aalisarnermi qaffasinnerullissapput, naammassisaqarsinnaassuseq pioreersaq tamakkiisumik iluaqutigineqanngippat.

3-mut)

Naalakkersuisut anguniagaraat, aqquitiit taakku atorlugit ingerlaannassasugut, tassalu aalisarnermi amerlanerusunik nutaanik ingerlatsisoqalissasugut. Tamanna pissusissamisoortumik agguaasseqqinnikkut pissaaq, najugaqavissunut aalisartunut iluaqutaalersitsisumik. Naak aamma tamanna imaasiiallaannaq inuiaqatigiinnut aningaasaqarnikkut annaasaqarnermik kinguneqassagaluarpat. Taamaattumik suliniutinik amerlanerusunik takkuttoqassaaq, ingerlatsisunut amerlanerusunut pisassiissutinik siammaanissamik siunertaqartunik.

4)-mut

Avataasiortunut pisassiissutinik agguaassineq ilaatigut pisassaaq angallatit ataasiakkaat naammassisaqarsinnaassusiat kiisalu manna tikillugu aalisarnermi suliaqarsimanerisa naliliivigineqarnerat tunngavigalugu. Aallaavittut pisassiissutit ingerlatsisooreersunut agguaanneqassapput, nalilerneqarpalli pisassiissutit toqqammavik naammaginartuusoq ingerlatsisut nutaat akulerutsinneqarsinnaassapput. Ukioq manna taamaattoqartoq Naalakkersuisunit nalilerneqarsimavoq.

Inussiarnersumik inuulluaqqusillunga


Hans Enoksen

Aalisarnermut Piniarnermullu Naalakkersuisoq